



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvaci, 1625

De vigilijs eius & luctamine contra somnolentiam. X.

[urn:nbn:de:hbz:466:1-45790](#)

336 DE VITA B. LIDEV VIGIS VIRGINIS
ita quod videre non poterat, nisi igne adhibito resolueretur. Sed
& alia quam plurima incommoda tunc temporis sustinuit a facie
frigoris, vix sanis toleranda: quae, nisi author naturae eam super-
naturaliter rexisset & præseruasset, indubitanter vitam amisisset.
In quibus omnibus tam multis miserijs & indigentijis proprijs co-
currentibus, sicut benigna mater & misericors alumna, aliorum
pauperum semper memor extitit, sibi de necessitatibus suis subtra-
hens, ut illorum egestatibus subueniret. Attamen diuites huius
seculi, qui in delitijs viuunt, & in opibus multis ad perniciem a-
nimarum suarum exultant, eius penitus obliti sunt, nec manus
adiutrices ægrotanti paupercula porrexerunt. Multi etiam igno-
rantes sanctitatem eius, spreuerunt eam; & velut amentem repu-
tantes, deriserunt mentales raptus illius. Tunc impletum est de ea
quod per beatum Job legitur: Deridetur enim iusti simplicitas, &
lampa contempta apud cogitationes diuitum.

C A P V T X.

De vigilijs eius & luctamine contra somnolentiam.

1. **M**irabile valde & quasi incredibile multis videtur, quomodo
potuit in tot poenis & miserijs caro infirma durare; quae
nec cibo, nec potu, neque somno tanto tempore fouebatur. Sed si
virtus diuina attenditur, qua de impossibilibus possibilia facit,
omnia sufferre virgo potuit in eo, qui eam confortavit: quia
quod ultra naturam est, Deo authore natum est. Testes sunt mul-
ti martyres & virgines flammis iniecti, qui Deo disponente &
protegente, non solum in tormentis bene patientes, sed etiam gau-
dentes inuenti sunt: & quod amplius est, inter verbera, gladios &
ignes, manserunt illæsi. Non est ergo abbreviata manus Domini,
neque brachium. Omnipotentis inualidum ad saluandum spe-
rantes in se: sed in omni loco & tempore, propè est Dominus in-
nocentibus & diligentibus cum in veritate.

2. Agnoscatur igitur in hac infirma famula Dei operata diu-
nitas, & desinat diffidere humana imbecillitas; quae dum proprijs
opinionibus per rationes naturales innititur, in sua inuestigatio-
ne plerique deficit & excæcatur. Necesse est enim naturalia sil-
re, dum diuina loquuntur: & terrena succumbere, cum cælestia
tractantur. Ista igitur virgo iacens diutissimè in lectulo doloris,
non est obliterata sui creatoris: sed memor nominis Domini, die ac
nocte dedit se feruenter ad sacras meditationes & orationes, &
præcipue tempore diuini officij & summæ Missæ celebrationis.
Vnde, quam fortiter contra somnolentiam certauit & vicit, di-
gaum est disere & iucundum audire.

3. Mos



3. Mos multorum hominum esse solet, ut de somnolentia, tempore diuini officij, magis tententur, siue ex propria fragilitate, siue ex diaboli suggestione, qui semper nititur humanæ saluti & deuotis orationibus aduersari. Cum ergo Christi discipula docta sepius orare, plus solito sentiret spiritu pigritæ & somnolentiae tempore diuini officij se grauari & tentari, licet valde paru tunc temporis dormire solebat: grauiter tamen super huiusmodi temptatione corporis intra se doluit, nec ei consentire audebat. Timens ergo confessor eius periculum illi imminere, si non dormiret, suauit ei obtentu salutis, ne amplius sopori resisteret: sed in quacumque festiuitate adueniente, quocumque tempore vel hora, ad dormiendum se aptaret.

4. In quadam itaque festiuitate Paschali, cum eadem tentatio sub Missa grauiter eam infestaret, ipsa memor Dei, violentissimè somnolentiae resistebat, iuxta quod scriptum est: Resistite diabolo, & fugiet a vobis. Peracta igitur vna hac victoria de somnolentia, ita contra eam diuinitus est roborata, ut de cætero usque ad mortem nec dormierit, nec de somnolentia tentata fuerit. Sicut enim Angeli sancti resistendo prime tentationi superbie in gratia confirmati sunt, & consentientes de celo proiecti: ita huic victoriose virginis datum est donum inviolabilis fortitudinis in vigiliis multis, & in plagiis supra modum eam afflagentibus, quibus probata fuit, sicut aurum probatur in fornace ardenti.

C A P V T XI.

De paupertate & sustinentia patris eius.

1. **H**uius sacrae virginis pater, Petrus Ioannis supra memoratus, licet ad tantam paupertatem venisset, ut vigilias noctis in ciuitate custodiendo vita necessaria laboriosè procuraret, tamen ita honestus & conscientiosus fuit, quod in egestate sua nobebat eleemosynas filiæ suæ deuorare, dicens eas peccata hominū fore. Idcirco voluit & suscepit dilectæ filiæ suæ, ut ipsa oblatis pro Deo vteretur, & in pios expenderet usus. Accidit igitur in illa prædicta vali a hyeme, ut ex nocturnis vigiliis nimio frigore membra eius stringerentur, & contractionem maioris pedicæ in dextro pede reportaret. In quo quidem casu probitas viri notatur, quia maluit rigorem frigoris potius sustinere, & de labore vigiliarum se sustentare; quam pauperum eleemosynas consumere. Scriptum est enim: Labores manuum tuarum manducabis: beatus es, & bene tibi erit.

2. Eodem tempore dux VVilhelmus, cum Domina Margareta Ducissa & multa comitatuum ciuitatē Sciedamensem intravit: &

G g g 3

per-